

『三國佛法傳通緣起』卷中 法相宗

法相大乘應理圓實宗。亦曰唯識宗。亦名普爲乘教。玄奘三藏往中天竺大傳此宗。

(中略)

第二傳者。道昭入唐之後經於六年至第三十八代女帝齊明天皇御宇〈皇極重祚〉四年戊午。智通。智達兩般法師。乘新羅船往大唐國。遇玄奘三藏學法相宗。大日本國此戊午歲始行維摩會爲永代規矩。兼學法於慈恩大師。後還本朝大弘宗旨。第三傳者。道昭入唐之後經五十一年至第四十二主文武天皇御宇大寶三年癸卯。新羅**智鳳**。智鸞。智雄三師。俱奉勅命渡海入唐。謁撲揚大師學法相宗。〈或遇玄奘慈恩學習宗旨者。然二師入滅經年序。〉遂歸本朝大弘宗教。智鳳慶雲三年丙午維摩講師。第四傳者。道昭入唐之後經六十四年至第四十四代女帝元正天皇御宇靈龜二年丙辰。玄昉法師渡溟入唐。乃謁撲揚智周大師研法相宗。于時智周年三十八。唐開元四年也。玄昉法師在唐學法經二十年。第四十五代聖武天皇御宇天平七年乙亥七月歸朝。大於所傳妙揚宗旨。四代連綿名傳宗教。而智鳳門葉經世甚昌。玄昉所傳與鳳一合。事無異途惣通弘演。

(下略)